

續近事紀略

一

U 5
7868
1



門 95
號 7868
卷 1

許免權版月三年九治明

菊池純著

續近事紀略

京都 津逮堂梓

早稻田大学
35 2.15
定價金壹拾五錢



續近事紀略序
嗚呼。士不幸。不得志於為也。
輒柯。斃。斃。窮年。至於
白首。衰老。曾不能一試其才。
能大濟世用。則乃以不得弗
託諸文章。計其所以不朽也。

續近事紀略

序

而文之足以不朽者。惟史
為然。史也者。傳天下之大
事也。資萬世之龜鑑者
也。傳天下之大事。重任也。資
萬世之龜鑑。鉅業也。惟能
文之士。而後為可能焉。是故

敘事而不文。非史也。立言而
不史。非文也。史之與文。相須
成用如此矣。竊惟 明治維
新已還。天下可傳之大事。
與夫萬世可資之龜鑑。累
見叠出。煥乎與日月爭光。

豈死文士千載之一時耶。今而不計不朽。其將何待。余固有志乎新史者。顧其任尤重。而才業尤鉅。自度才疎文拙。萬非所能。是以嘗擬述事紀略四卷。尔唯紀近世事。變

之大略而止。至於強弱。以降之。事蹟未敢濫及。善以待也。及得菊池子顯。則吾志殆乎果矣。子顯才疏之士也。最工文章。屬意筆削者。日久。嘗過稱許余著。而憾

其有闕於昭代。欲續事。使
完。頃因在得閒。遂結撰成書。
凡三卷。名曰續近事紀畧。
囑余以序。余視其所著。陸
陸有未完。雖事有未備。然
而措詞之精。行文之工。吾竊

以為足傳天下之大事。災萬
世之氣。此達者矣。嗚呼。子顯
抱才負能。未有所大用。一旦
遭遇世道之變。飄泊四方。
奔奔之衣。良齡已過。知命尚
且不甚得志。徒與後輩若

余者相駢逐於鉛槧編摩之間。欲以此自見。其若亦不幸者。雖然尚幸際會文士子哉。之一時親觀聞國。家盛了。遂能脩昭代之史。俾其文煥然不朽乎久。


幸焉。而余之志亦得子顯乃始果矣。豈非幸邪。然則其若不幸者。豈非不幸。適所以成余與子顯之幸也。歟。雖微子顯之囑。余烏得不索而一言。於是乎序。

明治八年乙亥十月中澣

灌園石津勤撰



世川立田誦書



[Faint background text in cursive script, likely bleed-through from the reverse side of the page.]

例言四則

一史之所尚者。在於直書而弗諱。書而弗直。則始弗如無書也。唯以今人叙近事。極有難措手者。何也。書而弗諱。則傷於直。諱而不直。則殆乎諛。與其諛而不直。孰若直而弗諱也。予故不自揣。斷然勇往。直書而弗少諱。庶幾不負董狐之旨歟。

一斯編體裁。一倣石津氏近事紀畧。以叙述自戊辰皇軍出征。迄於甲戌佐賀賊討平。付以征臺畧記。都名焉曰龍興紀事。今改命曰續近事紀畧者。應書賈請求云爾。

續近事紀畧卷一

一原稿具有友人其氏評語圈點。刊本宜並存。但文字有_下點。頗便乎注目。故今削其評語。特存圈點。要亦為黃口計焉耳。固非以此待大方也。

一以月繫時。以時繫年。麟經以下。編年書法。古今修史者。固不可不恪守也。予著斯編。亦倣其體例。以月繫時。曰春某月。秋某月。以標揭四時。獨迨明治六年。廢陰曆。行陽曆。則止書某月。不復標四時。蓋從近制爾。

菊池純子顯氏識

續近事紀畧卷之一

戊辰 明治元年春正月。內大臣德川慶喜。率大兵入朝。於京師。官軍拒之。大戰于伏水。鳥羽兩道。賊軍大敗。先是尾越二侯。赴于大阪。勸內府入朝。且曰公第入朝。不可有所挾。公家有戒心。僕等以二藩兵扞衛之耳。內府內抱狐疑。外表無他。對曰謹諾。二侯復命。實在前年十二月晦也。初內府遷于大阪也。新撰組長。近藤勇。土方歲三等。留而在伏水。是以東兵次于伏水者。殆至數千人。田中不二磨。津

續近事紀畧卷之一

某說德川將吏曰。內府已奉朝旨。入朝在近。今日之急務。在解伏水兵。因反覆陳順逆。將吏服而不_レ用。正月朔日夜。會桑二藩。與德川臣屬諸將。會議大阪城。說內府曰。尾越之言。不可信也。主公此行。臣等以死衛之。且此役也。在清君側。醜類而決勝。敗於一舉焉耳。內府意於是乎定焉。遂決意入朝。會桑二藩為之前驅。事聞京師。輿論洶洶。朝廷即命薩長二藩。出兵於洛外。置關于伏水鳥羽兩道。以塞其衝路。伊地知正治。山田某請曰。臣等令人謀大阪。舉動異常。一旦大兵犯關。臣願奉朝旨。得

處分之。朝廷即令曰。內府入朝。不許率大兵。至若會與桑。固禁入京師。其他臨機處變。皆便宜從事。乃部署諸隊。嚴備以_レ竦。東軍將佐久間近江。久保田備前。率三兵隊先發。高松濱田譜第諸藩援之。會桑二藩為之先鋒。取路伏水鳥羽兩道。京軍總六千餘人。東軍號稱三萬。三日。東軍遣使者求開二關。戍兵拒之。使者曰。寡君奉旨入朝。而公等拒之。苟見拒。則拒焉。我有兵焉耳。言畢而去。既而東軍重沓逼之。京軍見事急。先發巨煩拒之。東軍亦應之。於是兩軍砲戰。聲震林木。京軍力戰。擊走之。

伏水火起。東軍勦敗兵。兩道進擊。勢甚猖獗。京軍力拒。迭有勝負。及昏。兩軍交綏。謀報曰。東軍尚在。於下鳥羽。卸甲傳餐。京軍卽發。襲而破之。東軍狼狽。棄輜重先遁。京軍追躡。東軍戰甚苦。會游軍來援。卒返戰。豨突其中堅。京軍大擾。隊長市木某。與大山後藤諸人。勵衆擊其左翼。東軍披靡。京軍乘之。力戰敗之。市木大山皆死之。四日昧爽。兩軍大戰。千伏水鳥羽兩道。鳥羽道旁。原多密篁。京軍設伏其中。而東兵不覺。大舉竝進。京軍善戰。山田孫一郎。與伊集院某。奮鬪先卻。伏水之敵。而鳥羽之

敵銳進不止。總督仁和寺宮。擊錦旗進擊。賊彈丸往往中錦旗。旣而篁中伏起。攢銃射賊中堅。彈丸兩注。丸無虛發。賊殪者無算。京軍乘之。驅突賊大崩。相踏籍道。火起于鳥羽。賊退保於澱。其將佐久間。久保田皆死之。而官軍亦死傷頗夥。

官軍進擊。與賊戰于澱。于橋本。連戰克捷。德川內府。與其親臣數人。弃大阪城東走。

五日黎明。官軍攻澱。賊隔橋力拒。官軍連發巨礮。以挑城外敵。敵亦應之。彼我砲戰。相持不進。賊發槍手百人。伏之蘆葦中。別出銃手挑戰。官軍擊之。

不敢進。隊長石川厚狹，自奮曰：「視危失機，如人咎笑何？」乃率銳手當之。衆皆奮曰：「毋令我兵餒敵。」爭先繼之。左右伏起。石川伊藤中島等皆死之。隊長柳田某、伊集院某等叱咤勵衆，進衝敵前軍。敵兵辟易。官軍鼓噪奮擊破之。進畧澱城。日已加午，敵退扼橋本。當是時，津藩為賊守，山崎關門。天使就之，諭以順逆。津藩奉命悉歸官軍，而賊軍未覺之也。六日官軍進攻橋本敵。先是賊欲以澱城為根據。據澱藩拒之，乃退止舍城外。官軍至澱，疑城中與賊通款，詰責甚嚴。澱藩分疏具訴其事情，以表無

他。官軍意釋，即以澱兵為先鋒，進攻橋本。賊殊死戰，勝敗未決。津兵從山崎陣營發巨炮，橫擊賊牙營，彈丸破裂，殪者無數。一軍崩潰，走入大阪。先是敗聞日至大阪，至是德川內府與會桑藩主及板倉小笠原諸將倉皇收軍，航海東走。既而大阪城火。九日官軍進入大阪。此役薩長二藩戰沒者殆三百餘人。蓋每以寡敵衆，連戰克捷，故其死傷者尤甚。云然。薩長二藩揚武威，亦此役所致。官軍分兵畧近畿，諸藩帖服。近畿大定。

官軍已獲大捷，分遣諸軍畧定近畿，諸藩帖然。

圖歸之。初東軍集二條城。公卿憂悸。慮事或起。下。既而東軍赴大阪。上下降心。相俱賀其無恙。獨隊將伊知地正治。山田市之丞。參謀交野十郎等。胥議曰。今雖皇運鼎盛。鯨鯢遠遁。自古受兵于畿內。能得全勝者。不過屈指。彼若集大兵。扼大阪咽喉。絕我糧道。陸軍由海道。海軍要兵庫。我軍孤立。猶鳥在樊籠。與坐就擒。孰若預遣兵于二丹畧地。撫民。據以固其本根。是萬全策也。朝廷乃遣西園寺中納言。率精兵三百先發。未幾官軍大捷。不復庸其策止矣。雖然。所在列藩。向背立定。帖然不

動者。皆朝廷有人。規畫獲宜之所致。時人稱廟謨無遺算云。初紀州兵在大阪天王寺也。及兵起。發間使。請命於官軍。參謀胥議曰。紀藩非不辨順逆。雖然。彼亦敵之戚族。向背未易測也。為今之計者。不如却大阪兵于藩地。以無內顧之憂。因傳命於紀藩。紀人即收兵而還。先是彥根大垣諸藩。在於近畿者。盡屬官軍。至是畿內及關西諸侯。盡勤王。無復挾異圖者。或曰。初西鄉隆盛。在帷幕。首建復古議。在振興王政。維持國體。而用兵革。則非其志也。其用兵。蓋以德川氏議中變。出不得已云。

是月朝廷削德川内府以下官爵。傳令四方。布告其罪狀。大興東征之師。

正月十二日。詔削德川内府以下官爵。因宣布四方曰。客歲德川慶喜之託事。退大阪也。朝廷遣尾越兩主。諭慶喜。促入朝。欲有所處分。而慶喜外示恭順。内抱不軌。名稱入朝。其實犯闕。以會桑二藩為先鋒。繼之以大兵。是其私心。誠非奉朝廷。則要朝廷也。是以官軍拒之於郊。遂至須干戈。慶喜倔強。益發麾下兵。抗戰連日。發砲於錦旗。一敗挫衄之餘。倉皇東走。其欺罔朝廷。騷擾輦下。罪惡貫盈。

天地所不容。則大起東征師。與汝諸藩兵。討罪行。因任有栖川宮。為征東大總督。授錦旗節刀。當是時。諸外國公使。在於兵庫者。以廿五日。發局外。中立令。布告其人民曰。日本國內。干戈將起。東西。吾人民中立不倚。毋援師徒。毋賣兵器。蓋以朝廷與德川氏。干戈未定也。

二月土州人。斂殺佛人于泉州。公使怒督責償金。官乃捕土人。盡處斬。事輒平。

初政令出自京師。布告諸外國人在兵庫者曰。今後宜以京師為日本政府。外人咸奉命。既而謂曰。

頻年我國人民為貴國人所斬殺者不唯十數人其悲痛慘刻有不容勝言者。今天皇新親萬機與天下更始宜下令貴邦內毋令有殺人之害。朝廷即宣布于四方固禁其暴行而邦內人民疾惡外人者益衆。二月十五日土州人斂擊佛人十六人于泉州堺浦佛人死傷相半於是佛國公使大怒讓以五事曰政府貴官自詣佛艦宜當謝其罪也。曰日本士官不許佩刀入居留地也。曰得償十五萬元金。曰謝事以政府文書。曰捕殺人日本士卒悉處重刑。且曰凡決事限以三日。即背約違期。

自有處分在。當是時朝廷銳意圖治且以彼直而我曲也。立聽其所求。廿五日悉捕獲土人害佛人者處以死刑事輒平。先是宇和島東久世二公赴干大阪宣布各國公使曰頃我日本政府置外國事務局令予曹掌管事務敢請自今厥後胥共謀議事歸于好且天皇近日將延見公使于京師公使其領之。公使曰如聞王旅近日將有東征之舉吾亦且至於橫濱以圖吾民安全。天皇若欲見我輩何不速刻日以辦公事。二公曰凡外國人民在橫濱若函館者吾亦保護之萬保無虞。幸毋

為意。公使等不聽曰：當今之時，因循彌日，則非計之得者也。於是朝議遂決，入見日定。或曰：延夷虜於鳳闕，恐速物議。廟議笑而排之。

晦日，英佛和三國公使相偕入朝。佛和二使入見畢，儀獨英使為浪士所襲擊，途而還。

晦日，英國公使入朝，塗有浪士襲擊公使，傷其衛卒。衛卒力拒，遂斬浪士，以致無事。公使不能畢儀，半途而還。是月朝廷照先朝之例，重尋外交，遍宣布於四方，以令知朝議所向。

三月三日，英國公使入朝，謁見天皇，尋和佛公使

亦入朝，賜謁見。且賀王政盛事，改約兩國交誼。大當是時，畿甸屬無事，無復兵革之虞。京師士民相慶曰：不圖復見耕作熙熙之風矣。大久保參與上表曰：伏惟鳥羽之役，雖官軍獲大捷，賊魁東走，列藩嚮背未定，外國交誼未全，宜應以非常之斷行，非常之事也。恭惟我邦中世，偷惰為風，其稱天皇者，深在簾內，足未嘗踏地，九重深遠，自與人間迥異。其親近黼坐者，弗過數人公卿，豈非悖天理之甚邪？夫敬上愛下，則人倫之大道也。雖然，推尊失道，則上下離，上下離，則下情不達，是古今通弊。

也。故今將改邊幅之舊習。施簡易之新政。且平安地勢狹隘。別為一疆。要非基聖猷之地。是以今又將遷都於大阪。釐革百弊。此二者皆今日之急務。豈非宜速舉行者邪。伏願主上英明。速賜聖斷。表上舉朝。爽然為動。其容方今關左遷幸。以基千歲不拔之鴻業者。蓋胚胎此一議云。

是月盡除諸國舊令。分布新政於天下。先是以二條城為太政官代。裁決庶政。天皇臨幸太政官代。天皇大會公卿諸侯。誓之曰。廣興會議。決萬機於公論。破舊來陋習。基天地公道。求智識於世界。大

振皇基。尋策問蝦夷地開拓。

天皇幸大阪。親閱東征海軍。諸道官軍。分道入江戶。尾藩賜不臣者十三人死。奪十七人祿。以定一藩方向。

諸道官軍。將分道入江戶。薩州。紀州。長州。藤堂。備前。佐土原。龜山。水口。大村。因州。細川。越前。由海道。薩長別軍。及因州。土州。大垣。諸藩。由山道。飛報。日至江戶。項背相望。德川臣屬。譜第諸藩。日相聚首。以謀議軍事。初伏水鳥羽之役起也。尾紀二藩。各結黨於其藩內。建奉宗佐幕之議。以與關左相應。

援尾侯憂之。即與其臣小瀨新太田宮如田中不

麻呂鷲津堂毅丹羽淳太郎諸人傳大義滅親之令。賜死

干首謀者。渡邊石川等十三人。梶鈴水成瀨以下

十七人之祿。其他或禁錮。或退隱。輕重各有差。於

是闔藩方向盡定。勤王之志益確。而紀藩在於江

戶者。益主持奉宗家之議。因與德川臣屬相謀議。

近藤勇亦會之。於是諸臣盡集於城中。謀議紛興。

或曰。出兵于箱荷。以扼其要害。或曰。發海軍以擣

天大阪。遂以其策。逼於慶喜。至今慶喜憂悶。廢眠食。

而慶喜恭順謹慎。確然不動。盡擯斥群議。無一取

採用。獨召勝安房。大久保一翁于其別室。託以密

勿。因自書誠其臣屬曰。毋抗官累罪戾。果抗於官

乎。是猶割及吾腹焉耳。遂避城屏居于上野寬永

寺。賊徒益不懌。人人欲有所圖。私標榜其隊名。走

嘯聚于常野甲信之間。

官軍進擊。入于甲州。畧取其府城。薩長及大垣兵。轉

鬪大破賊兵。

官軍長驅。自信至甲。直畧甲府。於是賊徒在於府

城者。設柵於勝沼驛。據山沮。官軍官兵排闥繞從

敵背襲之。賊徹橋築砲墩拒之。官軍砲擊。戰未數

合賊火民舍。以蹙官軍。官軍辟易。因土別軍。從山上。俯擊賊軍。賊軍大敗。斬獲畧盡。遂畧府城。置守兵。赴江戶。是月薩長及大垣兵亦入武州。至於梁田。擊走賊兵。進薄忍城。初賊兵走於忍。忍藩舍匿。為之應援。是以藩老某自又謝罪于官軍。一藩悉屬官軍。山道盡開。督將岩倉公率諸軍舍于板橋驛。

德川慶喜遣勝安房就官軍參謀西鄉隆盛謝罪於總督官。官軍乃止攻擊。先是總督官率諸軍自海道至駿府城。而德川慶

喜屏居上野寬永寺。幽憂弗措。謹慎蒞命。輪王寺宮不忍坐視之。與執當覺王院與俱至于駿府。為之請哀。和宮亦與天璋院馳女使謝罪。使者往還于海道者。項背相望。既而官軍先鋒進至品川。勝安房即赴品驛。就官軍參謀西鄉隆盛具陳慶喜恭順之狀。且請止官軍攻擊。安房曾與西鄉親善。是以安房往來分疏。周旋甚力。西鄉乃取決於總督官。令効謝罪之實。安房即奉命具狀奉呈。西鄉啓之。總督官總督乃與參謀會議。傳令于諸軍。以止攻擊。於是官軍入江戶者所在屯集。

夏四月勅使入江戶城傳宣收城郭軍艦銃砲定罪宥
死賊徒憤恚相率走東北。

四月四日勅使臨江戶城德川臣屬洒掃道塗盛
服邀之田安中納言拜迎勅使宣曰盡獻城郭兵
甲母有所畜積曰佐慶喜抗官者盡滅死一等曰
宥慶喜之死幽之於水戶中納言奉命賊徒等聞
之內不能平相率走干東北居三數日慶喜去赴
水戶先是松平容保走其國邑板倉伊賀小笠原
壹岐等伏匿東北比德川氏譜代諸侯留在於江
戶者或赴京師或逃米邑至是府下一空非復前

日之比初會津藩士與脫賊兵隊橫行於兩總二
野之間馳說諸侯煽動土豪所在屯集大募金穀
結城領主水野日向應之其臣小幡兵馬以下六
十人首唱大義奉其嗣子迎官軍逐日向及脫賊
既而日向再誘脫賊俄起薄城殺小幡逐義黨城
遂陷嗣子某走投官軍賊勢甚銳當是時彥根及
諸藩官軍悉在宇都宮賊軍皇張進薄宇都宮飛
報至板橋參謀香川敬三與有馬祖式上田諸將
率見兵三百進抵千住偶賊別軍在流山官軍進
擊急襲破之賊不能支爭奔兵器而遁官軍追躡

擒賊魁近藤勇。檻送板橋。勇頗有驍名。丁卯冬。德川氏遁于大阪。勇率諸軍殿于伏水。遂止而沮絕。官軍往來。及師起。屢與官軍戰。銳傷其股。既而賊軍敗走。相偕赴于江戶。煽動德川臣屬。又赴甲州。聚其土兵。拒官軍於勝沼。不利。匿江戶。至是。官兵徇之於軍門。醜首而送京師。梟于三條磧。蓋勇近年在京師。為會藩主謀。故及之云。官軍已平流山之賊。香川祖式等轉戰抵下野。攻結城。賊皆奔城而走。祖式即與須坂藩兵代據城。香川及諸隊長與彥根兵至宇都宮。賊將大鳥圭介率諸軍攻結

城。遂拔之。結城悉為賊巢穴。官兵走宇都宮。十七日。大鳥圭介率兵二千進抵小山驛。連擊官軍。彥根秋元。大垣笠間之兵邀戰。不利。賊縱散兵狙擊官軍。官軍不能支。長州隊長南部某。秋元隊長石川某死之。日昃。官軍收兵舍宇都宮。賊亦退于朽木驛。此役彥根兵死傷尤衆。

賊將大鳥圭介陷宇都宮。官軍力戰。迭有勝負。

十九日黎明。大鳥圭介率諸軍攻宇都宮。松本黑羽根笠間壬生土岐岩村田須坂彥根大垣宇都宮各合兵拒之城外。賊兵奮鬪。官軍不支。退據城。

此時賊分軍由康洛進會藩亦由三王嶺齊進薄城砲聲雷轟山岳欲崩官軍辟易弃城而走藩王微服遁館林先是板倉伊賀降於彦根軍在宇都宮城中及城陷賊兵奪之宇都宮全為賊有大鳥圭介頗有軍畧善用兵操縱如意進退可見不唯臂使指且其所領兵卒訓練有素皆佛人所指教是以部下精銳所向無前官軍大窘皆畏大鳥以為隱然一敵國云初小山武井兩驛之戰旁近諸藩應官軍者率皆用甲冑劍鎗故每戰不利要衝地往往為賊所據至是飛書報板橋及江戸朝廷

乃遣薩長大垣土州因州之兵援之廿二日合諸藩兵昧爽官軍攻宇都宮賊距城里許出拒官軍官軍邀之安塚賊潛兵由間道直襲官軍後彈丸雨注軍大亂薩長列軍在雀宮者聞急馳至軍復大振協力擊賊賊兵大崩退據明神八幡二山官軍合擊四面齊進攢銃彈射硝煙蔽天兩軍晦冥不辨人色日加酉賊兵堅守益擊官軍官軍死傷不暇指屈因州隊長河田佐久馬憤恚曰以烏合流賊據叢爾孤城衆喪我兵卒是武夫所慚何不迨日未沒殲滅斯賊陷斯城邪叱咤勵衆鼓勇而

先登。因兵殊死。肉薄登城。直拔其一角。當是時。全軍攻擊。勢如風雨。賊軍辟易。據城及二山者。一時魚潰。潰圍而走。日光官軍遂復宇都宮城。而日全莫矣。此役旁近脫賊。盡集宇都宮。賊勢尤猖獗。是以官軍頗苦。攻擊云。既而大鳥圭介在日光近旁。屢出兵抄掠。土州兵邀之。今市互有勝敗。賊又屢不利。大鳥乃率見兵數百人。走投會津。先是德川麾下脫賊。別據上總木更津。盛峙糧餉。總督宮遣諸藩兵擊之。賊兵進次舟橋。當是時。備前兵在八幡。藤堂在貝塚。筑前在行德。佐土原在鎌谷。與賊

對壘。相持未戰。

閏四月。官軍大與賊戰。舟橋既而賊軍敗走。上總盡平。

是月十一日。黎明賊兵不意。襲藤堂備前營。二營陣倉皇。不知計所出。賊兵乘之。縱橫砲擊。官軍大敗。賊兵尾擊。追至市川渡。官兵爭舟。溺者無數。佐土原兵聞砲聲大起。猝發鎌谷。賊分軍要之於塗。佐土原兵伏散兵於麥圃。狙擊賊兵。賊殪者無算。因發白炮。悉走其殘兵。當是時。賊牙兵破八幡貝塚官軍。退次舟橋。傳餐佐土原謀而知之。分兵為三

隊一由海路。一由本道。一由間道。三方進擊。徑襲舟橋。賊軍狼狽拒之。偶筑前藤堂。備前兵亦馳至會之。衷賊兵前後擊之。賊殊死戰。官軍縱火燬其巢窟。烜焰漲天。賊軍潰亂。散走四方。未三數日。上總脫賊盡平。

朝廷勅田安龜之助。續其宗家。三條左大將傳宣收城及兵器。賊徒益不懌。遂據東台。

平三條左大將。為關東監察使。東下在江戶。朝廷聞乃勅田安龜之助。續其宗家。左大將傳宣。蓋以德川慶喜謝罪之實。明確無可疑也。然而封額未定。

臣屬洵洵。議論紛興。未知其孰勝。初勝安房。屢往來官軍。脫賊以謂是左右賣國者。有私圖刺殺之者。既而朝廷收城及兵器。賊益不懌。所在蠶吐。以集黨與。自號曰彰義隊。遂據東台。東台原稱忍岡。倚高置寺。林木翳薈。岡阜隆然。頗為勝境。即德川氏兆域之所在。而輪王法王居之。先是德川氏之寘皇族于寬永寺。或曰備緩急也。是以賊徒欲擁法王圖事。執當覺王院粗涉書史。號稱通曉理義。私議朝旨。賺法王以招納賊徒。於是會津及關左豪族為之應援。賊勢益盛。峙糧仗繕甲兵。凡脫兵。

逃卒。奴隸輿臺之失其首領。以潛匿市井者。爭來投之。以為一時糊口之淵藪。瓦合烏集。無復統紀。其橫行市街。帶長刀。穿高屐。偃蹇倨傲。務張勢威。當時官兵袖着片錦。以為徽識。路人竊目之。名曰錦切。錦切猶云片錦也。賊徒遇諸塗。詬罵百端。頗極醜詆。或至逼刃之。官兵為其所傷害者甚多。是以彰義隊名大震府下。官兵憤懣。請誅鋤之。朝廷令德川氏諭賊徒。解其兵備。賊徒不聽。朝議又召法王諭之。覺王院拒之。不遣。朝廷終下追討令。令大村益次郎部署諸軍所向。薩州。因州。肥後諸隊。

由湯島。長州。肥前。大村。佐土原。由本鄉。藝尾。紀筑諸藩。各由別路。賊徒聞事急。五月十四日。脫隊遁者數百人。十五日黎明。官軍鼓噪。分道進擊。傳東名黑門。賊徒各被酒。出門稀突。官軍辟易。不敢復薄。會大霧雨。官軍乘之。發巨煩。破其一角。賊徒大崩。覺王院度事不集。乃奉法王先遁。當是時。賊徒數百人。尚據山王山。叢銃亂射。俯擊官軍。薩兵力戰。緣樹而登焉。賊徒善拒。彈丸雨注。丸無虛發。殪者無算。伏屍相枕。官軍益出生兵。擊走山上敵。敵退保伽藍。官軍萃焉。縱火燬之。烟焰漲天。賊徒奔

續通志卷一
潰官軍追躡擊而殲之。伽藍火益熾。及夜不燿。府下騷然無幾而寢。從是人皆懼。錦切相指目避之。錦切之威輝四方云。

朝廷定德川封額。併駿遠奧羽之地。賜七十萬石。奪諸臣官爵。賊將林昌之助。率脫兵據函嶺。官軍擊卻之。

初德川氏封額未定。諸臣等私相議擬曰。且賜三百萬石。或曰不過封二百萬石。及令出相騁昭曰。彰義隊等實誤國事矣。先是賊將林昌之助與脫兵相謀。率兵數百去其領邑。至是據函嶺要害。朝

廷即遣監軍中井某。三雲某於小田原。以其藩兵討林等。小田原藩私援林等。逐三雲。朝廷即發諸軍。問罪於小田原。小田原恐怖。不知計所出。刑首謀者。以討林等。請哀於朝廷。林等航海走于奧羽。朝廷因削小田原封額。於是關左八州畧屬平定。朝廷特旨。收錄德川諸臣傳旨於德川氏。德川諸臣相率歸順。是月官軍攻白川城不利。遂轉戰入越後。取長岡。

先是官軍大舉攻會津。加州。尾州。薩州。長州。越前。松代。松本之兵。由越後口。薩州。長州。別軍與大垣。

忍之兵。由白川口。於是德川脫兵。與會津。仙臺。棚倉。中村之兵。相俱據白川城。官軍力戰。殺傷相當。遂拔城畧地。既而賊復大舉薄城。官軍不支。弃城而走。賊復奪城據之。當是時。水戶。姦黨。市川某。朝比奈某等。率其藩兵四百。投越後之賊。賊據長岡城。勢日猖獗。官軍先擊小千谷之賊。走之。寘兵各所。或阻信濃川。或扼榎嶺。而榎嶺尤屬要害。左臨信濃川。右接金倉山。賊兵據之。路梗不通。至是官軍擊走之。四方官軍遂薄長岡。賊軍連戰迭有勝負。居十日。賊又大舉圍榎嶺。薩州。長州。土州。上田。

諸軍堅守之。賊即絕官軍接路。官軍孤立。無計所出。參謀黑田了輔。山縣狂介等。以河東精銳擊賊。腹背襲之。隊長三好軍太郎。堀潛太郎。竹田十左衛門等。率長州及高田兵二百。乘大霧。銜枚濟千曲川。適霖雨彌旬。河水大漲。舟殆覆沒。極力救之。屢得達岸。直上陸。侵賊壘。賊兵狼狽。弃守而走。官軍即奪其巨砲。用以擊賊軍。殪數十人。會薩州及諸藩之兵。由植下村。亂流而濟。亦破賊砦。走之。既而諸官軍皆濟川。與榎嶺。妙見口。官兵皆馳向之。賊軍大亂。官兵鼓噪乘之。賊遂燬城。拉長岡藩主。

從間道走朽尾。午牌官軍陷長岡。先是白川敗聞。至于江戶。朝廷即遣因州備前大村柳川佐土原。笠間之兵援之。於是諸軍大舉復攻白川城。賊軍碎易。盡奔糧仗走。

六月官軍陷白川。遂分兵攻棚倉城。

官軍已拔白川城。嚴脩戰備。日議向會津。賊軍據棚倉岩城平二城。堅守不屈。官軍即分兵為二隊。一由畑驛。一由本道。廿四日昧爽薄棚倉砲戰半日。城遂陷。於是賊精兵悉集平城。勢尤猖獗。官軍殆為之所沮。初官軍拔白川城。道路險惡。先據之。

者。則攻守兩有利。故兩軍大爭之。迭有殺傷。

秋七月參謀河田佐久間等率諸藩兵圍平城。攻擊累日。賊不能拒。遂火城東走。官軍與賊爭長岡。屢為賊所敗。後再取長岡。悉誅其黨與焉。官軍決策攻平城。先部署諸軍所向。因州柳川佐土原備前。由湯本口。柳川別軍薩州長州大村諸軍。由小名濱。十三日質明傳平城。賊兵偵知之。距城里許。設土豚築砲臺。以為防禦計。因州柳川以下兵奮擊走之。直薄城。賊又設關門于城外。攢銃拒之。柳川兵力戰。遂破關門。薩兵亦陷外郭。當是

時賊軍隔橋砲擊。柳川兵百五十人潛緣橋架突進。犯賊右翼。橋上官兵亦乘之。賊軍披靡。退保牙城。諸軍悉圍之。賊亦力拒。兩軍砲聲攻擊如雷。山岳欲崩。日已暮。官軍卽謀再舉。眞兵于城外要地。夜已三鼓。牙城火起。官軍馳集之。賊悉遁。不復留。隻兵蓋前日戰。賊極力防禦。是以彈丸硝藥悉為匱空。未半日。官軍潮湧。蟻集城下。賊度不可拒。燬城東走。官軍盡略其地。取之。平城之地。山峻谷邃。踰稱與羽要衝。便於守。而不利攻。故此役官軍死傷尤夥。云。當是時。征討總督仁和寺宮。率諸軍在

越後口。西園寺壬生。二卿從之。官軍悉據長岡。起塹柵其近旁。以為應援。賊亦築堡塢。分德川。會津。米澤。長岡之兵守之。梗其走路。於是日夜砲擊。勝敗未決。廿四日。官軍會議。攻破賊塞。尋且向會津。部署諸軍所向。是時官軍別發大艦。抵于新發田。治下。總軍且以明曉發軍。假寢。俟且賊軍偵而知之。夜半出精兵。擣其要衝。烏銃連射。大敗官兵。追北逼長岡。官兵在於長岡者。聞砲聲甚盛。皆相謂曰。是我兵發號砲也。人皆起。結束。既而所在火起。砲聲漸近。謀報曰。賊來侵也。言未畢。賊兵驟至。徑

薄官軍。官軍大崩。賊軍追躡。追北擠之於川。官兵死者無算。既而天明。賊軍遂復長岡。初官軍攻畧長岡。治下市民常通款於賊軍。日報知官軍情狀。此役首為內應。賊軍每戰獲奏奇功者。蓋為之耳。廿六日。官軍分兵為二。一則屯復嶺。妙見坂。一則屯信濃川西南。築砲臺於河岸。與賊交戰。賊軍大舉。且濟河薄之。官軍防禦甚苦。或曰。暫避銳于三國嶺。以逸擊勞。是全勝之策也。參謀山縣某曰。當今之時。退一步則增賊勢。進一步則折賊計。一步進退。係全軍勝敗。安以一挫衄。失軍機之為哉。吾

聞白川口。官軍畧其地方。日入與羽者。不暇枚舉。意者奴輩。必顧其後。勢不能持久。諸君其勗之。遂決攻擊策。當是時。賊皆徂前日之捷。不復設備。廿九日。官兵乘大霧。由妙見口。潛窺賊營。賊兵困卧。官軍即以短兵逼之。縱橫驅突。斫賊數十人。繼以銳手蹙之。賊兵辟易。一敗塗地。既而官兵四集。吶喊逼長岡。賊軍大敗。官軍追躡。縱火所在。賊益亂。爭奔城走。官軍遂取長岡。捕市民通賊者。盡誅之。以徇軍門。長岡地方。自五月屢罹兵燹。城郭市街。延燒畧盡。蕩為荒野。

